

"মিষ্টির বাচ্চারা - তোমাদের অবশ্যই বাবার সমান মুরলীধর হতে হবে, মুরলীধর বাচ্চারাই বাবার সাহায্যকারী হয়, বাবা তাদের উপরই খুশী হন"

প্রশ্ন :-- কোন্ বাচ্চাদের বুদ্ধি খুবই নির্মাণ হয়ে যায় ?

উত্তর :-- যারা অবিনাশী জ্ঞান রত্নের দান করে প্রকৃত লোক হিতৈষী হয়, খুব হুঁশিয়ার সেলসম্যান হয়ে যায়, তাদের বুদ্ধি খুবই নির্মাণ হয়ে যায়। সার্ভিস করতে করতে বুদ্ধি স্বচ্ছ হয়ে যায়। দান করাতে কখনোই কোনো অভিমান আসা উচিত নয়। সবসময় যেন বুদ্ধিতে থাকে যে, শিববাবার দেওয়া দানই আমরা দিচ্ছি। শিববাবাকে স্মরণে থাকলে কল্যাণ হয়ে যাবে।

গীত :--- তুমিই মাতা, পিতা ও তুমিই.....

ওম্ শান্তি। কেবল মাতা -- পিতার গান শোনাতেই নাম সিদ্ধ হয় না। প্রথমে শিবায় নমঃ গীত শুনে তারপর মাতা - পিতার গান শোনাতে জ্ঞানের কথা জানা যায়। মানুষ তো মন্দিরে যায়, লক্ষ্মী - নারায়ণের মন্দিরে যাবে, কৃষ্ণের মন্দিরে যাবে, সবার সামনেই তোমরা অর্থ না জেনেই মাতা - পিতা বলে দাও। প্রথমে শিবায় নমঃ গান শুনিতে তারপর মাতা - পিতার গান শোনাতে মহিমা বোঝা যায়। নতুন কারোর জন্য এই গান ভালো। বোঝাতে সহজ হয়। বাবার নামই হলো শিব, তোমরা এমন তো বলবে না যে, শিব সর্বব্যাপী। তাহলে তো সকলের মহিমাই এক হয়ে যাবে। তাঁর নামই হলো শিব। দ্বিতীয় আর কেউই নিজের উপর শিবায় নমঃ নাম রাখতে পারে না। তাঁর মতি এবং গতি সকল মানুষের থেকেই পৃথক। দেবতাদের থেকেও পৃথক। এই জ্ঞান শেখান একমাত্র মাতা - পিতাই। সন্ন্যাসীদের মধ্যে তো মাতা নেই, তাই তাঁরা রাজযোগ শেখাতে পারেন না। শিবায় নমঃ তো যে কোনো কাউকে বলা যাবে না। দেহধারীদের শিবায় নমঃ খোড়াই বলবে। এ কথা বোঝানোর আছে। বাচ্চারা, তোমাদের মধ্যেও কিন্তু নম্রর অনুসারে আছে। কতো ভালো - ভালো বাচ্চাও পয়েন্টস মিস্ করে দেয়। নিজেদের তো অনেকেই অতি চালাক মনে করে। এতে হৃদয়ের স্বচ্ছতার প্রয়োজন। প্রতি বিষয়েই সত্যকথা বলা, সত্য স্বরূপ হয়ে থাকতে হবে - এতে সময় লাগে। দেহ - ভাবে এলে তখন পরিবার আদি সব বিষয় চলে আসে। এখন এমন কথা কেউই বলতে পারবে না যে আমি দেহী - অভিমানী, তাহলে তো কর্মভীত অবস্থা হয়ে যাবে। এ সবই হবে নম্রর অনুসারে। কেউ কেউ তো খুবই কুপুত্র হয়। এ তো জানাই যায় যে, কে কে বাবার সার্ভিস করে। যখন শিববাবার হৃদয়ে স্থান পাবে তখনই রুদ্র মালার কাছাকাছি আসতে পারবে আর সিংহাসনের যোগ্য হবে। লৌকিক বাবার মনেও সুপুত্ররই স্থান পায়, যারা লৌকিক বাবাকে সহায়তা করে। এও হলো বেহদের বাবার অবিনাশী জ্ঞান রত্নের ধান্দা। তাই এই কাজে যারা সাহায্য করে তাদের উপর বাবা খুশী থাকেন। এই অবিনাশী জ্ঞান রত্ন ধারণ করতে এবং ধারণ করাতে হবে। কেউ কেউ মনে করে আমরা ইনসিওর করেছি। তার পরিবর্তে তোমরা তো পেয়েই যাবে। এখানে তো অনেককে দান করতে হবে, বাবার সমান অবিনাশী জ্ঞান রত্নের দানে লোক হিতৈষী হতে হবে। বাবা আসেনই জ্ঞান রত্নে ঝুলি ভরপুর করতে, এ অর্থের কোনো কথা নয়। বাবার সুপুত্র সন্তানই পছন্দ হয়। ব্যবসা করতে না জানলে তাদের মুরলীধর, সওদাগরের সন্তান কিভাবে বলবে? লজ্জাও থাকা উচিত যে, আমি তো কোনো কাজ করি না। সেলসম্যান যখন হুঁশিয়ার মনে করা হয় তখন তাকে ভাগীদার

বানানো হয়। এমনভাবে খোড়াই ভাগ পাওয়া যায়। এই কাজে লেগে গেলে বুদ্ধি খুবই নির্মাণ হয়ে যায়। সার্ভিস করতে করতে বুদ্ধি স্বচ্ছ হয়ে যায়। বাবা - মাম্মা নিজেদের অনুভব শোনান। বাবা তো শেখান, এ তো তোমরা জানো যে, এই বাবা খুব সুন্দর ধারণা করে সুন্দর মুরলী শোনান। আচ্ছা, মনে করো, এনার মধ্যে শিববাবা আছেন, তিনি তো মুরলীধরই, কিন্তু এই বাবাও তো জানেন। না হলে এমন পদ কিভাবে পেতেন? বাবা বুঝিয়েছেন যে, সবসময় মনে করবে শিববাবা শোনাচ্ছেন। শিববাবার স্মরণ থাকলে তোমাদেরও কল্যাণ হয়ে যাবে। এনার মধ্যে তো শিববাবা আসেন। মাম্মা তাঁর ব্যক্তিত্বে আলাদা বলেন। তাঁর নাম উচ্ছল করতে হবে কেননা মেয়েদেরকে উপরে রাখতে হয়। বলা হয় না - সে যেমন তেমনই হোক, আমার, আমাকেই সামলাতে হবে। পুরুষরাই এমন বলেন। স্ত্রী এমন বলে না, যেমন তেমন হোক ---। বাবাও বলেন, বাচ্চারা, তোমরা যে যেমনই হও, তোমরা হলে আমার, তোমাদেরকে আমাকেও তো দেখতে হবে। নাম তো বাবারই খ্যাত হয়, তারপর শক্তির নাম উচ্ছল হয়। তাদেরই সেবার ভালো সুযোগ মেলে। দিনে দিনে সেবা অনেক সহজ হয়ে যাবে। জ্ঞান আর ভক্তি হলো দিন আর রাত, সত্যযুগ আর ত্রেতা হলো দিন, সেখানে সুখ থাকে, দ্বাপর আর কলিযুগ হলো রাত, সেখানে দুঃখ। সত্যযুগে ভক্তি থাকে না। এ কতো সহজ। ভাগ্যে না থাকলে কিন্তু ধারণা করতে পারে না। পয়েন্টস তো খুবই সহজ পাওয়া যায়। মিত্র - সম্বন্ধীদের কাছে গিয়ে বোঝাও, নিজের ঘরকে তুলে ধরো। তোমরা তো গৃহস্থ জীবনে থাকো তাই খুব সহজ রীতিতেই কাউকে বোঝাতে পারো। সঙ্গতিদাতা তো এক এই পারলৌকিক বাবাই। তিনি শিক্ষকও আবার সঙ্করও। বাকি দ্বাপর থেকে শুরু করে সবাই দুর্গতি করতেই এসেছেন। ব্রহ্মচারী পাপ আত্মারা এই কলিযুগে আছেন। সত্যযুগে পাপ আত্মার নাম থাকে না, এখানেই অজামিল, গণিকা, অহল্যা সমস্ত পাপ আত্মারা আছে। অর্ধকল্পকে স্বর্গ বলা হয়। ভক্তি যখন শুরু হয় তখনই মানুষের নীচে নামা শুরু হয়ে যায়। আর এই নামতে তো অবশ্যই হবে। সূর্যবংশীরা নামতে নামতে চন্দ্রবংশী হয়। তারপরও নামতে থাকে। দ্বাপর থেকে যাদের পেয়েছ, তারা নীচের দিকেই নামায়। এও তোমরা এখনই জানো। দিনে দিনে তোমাদের মধ্যে শক্তি আসতে থাকবে। সাধু সন্তদের বোঝানোর জন্যও যুক্তি বের করতে থাকে। অবশেষে অবশ্যই বুঝবে যে, পরমপিতা পরমাত্মা সর্বব্যাপী কিভাবে হতে পারে? বোঝানোর জন্য অনেক পয়েন্টস আছে। ভক্তি প্রথমে অব্যাভিচারী তারপর ব্যভিচারী হয়। কলাও কম হয়ে যায়। এখন আর কোনো কলা নেই। ঝাড় এবং গোলায়ও দেখানো হয়েছে যে কলা কিভাবে কম হয়। এই বোঝানো হলো খুবই সহজ, কিন্তু ভাগ্যে না থাকলে বোঝাতে পারবে না। দেহী - অভিমানীও হয় না। পুরানো দেহতে আটকে থাকে। বাবা বলেন যে - এই পুরানো দেহ থেকে মমত্ব ত্যাগ করে নিজেকে আত্মা মনে করো। দেহী - অভিমানী না হলে উঁচু পদও পেতে পারবে না। স্টুডেন্ট এমন খোড়াই চাইবে যে লাস্টে বসে থাকি। মিত্র - সম্বন্ধী, টিচার, স্টুডেন্ট আদি সবাই বুঝে যাবে যে, এর পড়াতে মন নেই। এখানেও বুঝতে পারে যে শ্রীমতে না চললে তখন এমন অবস্থা হবে। কে প্রজা হবে, কে দাস - দাসী সবই বুঝে যায়। বাবা বোঝান যে, তোমরা তোমাদের মিত্র - সম্বন্ধীদের কল্যাণ করো। এই হলো নিয়ম। ঘরে যদি বড় ভাই থাকে তাহলে তার দায়িত্ব হলো ছোটো ভাইকে সাহায্য করা -- একেই বলা হয় চ্যারিটি বিগিন্স অ্যাট হোম। বাবা বলেন যে, অর্থ দান করলে সেই অর্থ কখনোই কমে না -- অর্থ দান না করলে কিছুই পাবে না, পদও পেতে পারবে না। এখানে খুব ভালো সুযোগ মেলে। তোমাদের দয়ালু হতে হবে। তোমরা সন্ন্যাসী আর সাধুদের প্রতিও দয়ালু হও। তোমরা বলো যে, তোমরা সবাই এসে বোঝো। তোমরা তোমাদের পারলৌকিক বাবাকে জানো না, যে বাবা তোমাদের প্রতি কল্পে সদা সুখের আশীর্বাদী বর্ষা দেন। এ কথা কেউই জানে না। তারা বলে অফিসার্সও ব্রহ্মচারী তাহলে শ্রেষ্ঠাচারী কে বানাবে?

আজকাল তো সাধুদের সমাজে অনেক সম্মান । তোমরা যদি লেখো যে, বাবা এদের উপরও দয়া করেন তাহলে সবাই আশ্চর্য হয়ে যাবে । ভবিষ্যতে তোমাদের খুব নাম হবে । তোমাদের কাছে অনেকেই আসতে থাকবে । প্রদর্শনীও হতে থাকবে । অবশেষে কেউ তো অবশ্যই যাবে । সন্ন্যাসীরাও যাবেন । কোথায় আর যাবেন, একটাই তো দোকান । এরপর অনেক উল্লসিত হতে থাকবে । খুব ভালো ভালো ছবি তৈরী করা হবে বোঝানোর জন্য, যে ছবি দেখে যে কেউ এসে বুঝতে পারে । যখন মৌচাকে আগুন লাগবে তখন মানুষ যাবে কিন্তু তখন অনেক দেরী হয়ে যাবে । বাচ্চাদের জন্যও এমনই । পিছনের দিকে কতো দৌড়াতে পারবে । রেসেও কেউ কেউ প্রথমে আস্তে আস্তে দৌড়ায় । জয়ের পুরস্কার তো অল্প জনেই পায় । এও তেমন তোমাদের ঘোড়দৌড় । রুহানী যাত্রার এই দৌড়ের জন্যও জ্ঞানী আত্মার প্রয়োজন । বাবাকে স্মরণ করো, এও তো জ্ঞানই, তাই না । এই জ্ঞান আর কারোরই নেই । এই জ্ঞানেই মানুষ হীরেতুল্য হয় । অজ্ঞানের কারণে মানুষ কড়ি তুল্য হয়ে যায় । বাবা এসে আমাদের সত্বপ্রধান প্রালব্ধ করে দেন । এরপর তা অল্প অল্প করে কমতে থাকে । এইসব পয়েন্ট ধারণ করে অভিনয়ে আসতে হবে । বাচ্চারা, তোমাদের মহাদানী হতে হবে । ভারতকে মহাদানী বলা হয় কেননা এখানেই বাবার সামনে সবাই তন - মন - ধন অর্পণ করো । বাবাও তখন সবকিছুই অর্পণ করে দেন । ভারতে অনেকেই মহাদানী আছেন । বাকি মানুষ সবাই অন্ধশ্রদ্ধায় আটকে থাকেন । এখানে তো তোমরা ঈশ্বরের শরণাগতিতে এসেছো । রাবণের কাছে দুঃখ পেয়ে রামের স্মরণ নিয়েছো । তোমরা সকলেই শোক বাটিকাতে ছিলে । এখন আবার অশোক বাটিকাতে অর্থাৎ স্বর্গে যেতে হবে । তোমরা স্বর্গ স্থাপনাকারী বাবার শরণ নিয়েছো । কেউ তো ছোটো অবস্থাতেই এখানে জোর করে এসে গেছে, তাই তাদের এখানে শরণাগতিতে সুখ আসে না । তাদের ভাগ্যেই তাই তাদের মায়ী রাবণের শরণ চাই । ঈশ্বরের শরণাগতি থেকে দূর হয়ে তারা মায়ীর শরণে যেতে চায় । এ তো আশ্চর্যের কথা ।

এই শিবায় নমঃ গান খুব ভালো । তোমরা এই গান শুনতে পারো । মানুষ তো এর অর্থ বুঝতে পারে না । তোমরা বলবে, আমরা শ্রীমতের উপর এর যথার্থ অর্থ বোঝাতে পারি । ওরা তো পুতুল খেলা করে । ড্রামা অনুসারে এই গানেও সাহায্য পাওয়া যায় । বাবার হয়ে সেবাপরায়ণ যদি না হও তাহলে হৃদয়ে কিভাবে বিরাজ করবে । কোনো কোনো বাচ্চা কুপুত্র হয়ে কতোই না দুঃখ দেয় । এখানে তো মায়ের মৃত্যুতেই জ্ঞান রূপী হালুয়া খায়, স্ত্রীর মৃত্যুতেও সেই হালুয়া খায়, কান্নাকাটি বা মারপিট করে না । এই নাটকে দৃঢ় নিশ্চিত থাকতে হবে । মাশ্চা - বাবাও যাবে আবার অনন্য বাচ্চারাও অ্যাডভান্সে যাবে । এই অভিনয় তো করতেই হবে । এতে দৃষ্টিভ্রম কি কথা ? সাক্ষী হয়ে আমরা এই খেলা দেখি । তোমাদের অবস্থা সদা হর্ষিত থাকা চাই । বাবারও খেয়াল আসে, নিয়ম বলে অবশ্যই আসবে । এমন নয় যে মাশ্চা - বাবা পরিপূর্ণ হয়ে গেছেন । এই পরিপূর্ণ অবস্থা অস্তিম্বে হবে । এই সময় কেউই নিজেদের পরিপূর্ণ বলতে পারবে না । এই লোকসান হলো, থিটমিট হলো, কাগজে বি.কে.দেব নামে হাহাকার হলো, এ সবই আগের কল্পে হয়েছিলো । চিন্তার কি দরকার, ১০০ পার্সেন্ট অবস্থা অস্তিম্বে সময়ে হবে । বাবার হৃদয়ে তখনই স্থান পাবে যখন তোমরা দয়ালু হবে, অন্যদেরও নিজের সমান বানাবে । ইনসিওর করলে, সে কথা আলাদা । সে তো নিজেদের জন্যই করে । এ তো জ্ঞান রত্নের দান অন্যদের দিতে হবে । বাবাকে সম্পূর্ণ স্মরণ না করলে বিকর্মের যে বোঝা মাথার উপর আছে তা সম্পূর্ণ খুলে যাবে । প্রদর্শনীতেও বোঝানোর জন্য যোগ্য মানুষ চাই । তোমাদের

হুঁশিয়ার হতে হবে । রাতে স্মরণ করলে মজা আসে । এই রুহানী সাজনকে আবার প্রভাতে স্মরণ করতে হবে । বাবা তুমি কতো মিষ্টি, তুমি আমাকে কি থেকে কি করে তুলছো । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :--

১ ) মনে সর্বদা স্বচ্ছতা বজায় রাখতে হবে । সত্য বলতে হবে, সত্য হয়ে চলতে হবে । দেহ - বোধের বশে এসে নিজেকে অতি চালাক মনে করবে না । অহংকার আনবে না ।

২ ) সাক্ষী হয়ে এই খেলা দেখতে হবে । এই ড্রামাতে দৃঢ় নিশ্চিত থাকতে হবে । কোনো বিষয়ে চিন্তা করবে না । অবস্থা সর্বদা হর্ষিত রাখতে হবে ।

বরদান :-- প্রতিজ্ঞার(বায়দা) স্মৃতির দ্বারা লাভ(ফায়দা) উঠিয়ে নিয়ে বাবার আশীর্বাদের পাত্র ভব

যে প্রতিজ্ঞাই মনে, বচনে বা লিখে করো, তা যদি স্মৃতিতে রাখো তাহলে সেই প্রতিজ্ঞার সম্পূর্ণ লাভ নিতে পারবে । নিজেকে চেক করো, কতবার প্রতিজ্ঞা করেছো আর কতবার তার পালন করেছো । প্রতিজ্ঞা আর লাভ - এই দুইয়ের ব্যালেন্স থাকলে বরদাতা বাবার আশীর্বাদ মিলতে থাকবে । সঙ্কল্প যেমন শ্রেষ্ঠ করো তেমনি কর্মও যদি শ্রেষ্ঠ হয় তাহলে সফলতা মূর্ত হয়ে যাবে ।

স্লোগান :-- নিজেকে এমন দিব্য আয়না বানাও যেখানে শুধু বাবাকেই দেখা যায়, তখনই বলা হবে প্রকৃত সেবা ।